



UK Health
Security
Agency



**Ekh informativno buletino andar
e imunizacije**

kadalenge kon si ekhe beršenge



**Sikavel e imunizacijengi programa katar
o septembro 2024-to berš**

immunisation

the safest way to protect your child

E cykne éhavengi imunizacijaki programa

Na bistar te anes kiri Loli pustik (liloro, knížka)
andare imunizacije tusa ka sako ekh rezervime áso.



Kopije andar kadala brošure si šajlinde (moželinde,
daštílinde) andar kiri klinika aj sastaravneski
(doktoroski, GP) klinika. Dikh i
www.nhs.uk/vaccinations

Kadava buletino sikavel e imunizaciajaki programa
katar o septembro 2024-to beré

Kidindi informacija

Save imunizacije ka kerdon pe mure bebeske kana vov si ekhe beršesko?

Kire bebeske ka kerdon pe leske 4 indžekcije ka leski beršeski vaksinacija andrethode (uključime, inkluzime):

- leski **MenB** booster vaksinacija
- ekh **Hib/MenC** vaksinacija mamujal:
 - Hib (Haemophilus influenzae tipo b), thaj
 - meningokokal grupa C nasvalipe (MenC)
- ekh **PCV13** booster vaksinacija mamujal:
 - pneumonijako nasvalipe andindo katar varesave tipura andar e pneumonijaki bakterija
- leski ekhtoni (pyrvo) **MMR** vaksinacija mamujal:
 - cykni čhel (pojar, morbilli)
 - parotit (oreion)
 - bari čhel (rubeola)



Imunizacije kerde kadalenge ko si ekhe berśenge

Garavipe (protekcija) mamujal Hib, meningokokal grupe B thaj C nasvalimata, pneumonijako nasvalipe, cykni čhel, parotit thaj bari čhel

So si e Hib?

E Hib si ekh infekcija savi šaj ingjarel ži ka ekh numero bare nasvalimata sar o meningit (šuvlipe ande gogjaki morkhi), septikaemija (rateski intoksikacija) thaj pneumonija, specialno ande terne manuša.

E Hib/MenC vaksina si akhardi Menitorix, tu šaj (dašti, može) te dikhes e Pacientosko Informativno Buletino ka

www.medicines.org.uk/emc/product/167/pil.

So si o meningokokal nasvalipe?

O meningokokal nasvalipe si ekh seriozno infekcija savi šaj i voj kauzil meningit thaj septikaemija ande čhave thaj terne žene.

E grupa B meningokokal bakteria (MenB) si akana responsibilo majbute kazusonenge andar o meningokokal nasvalipe ando Kidindo Thagaripe (KT, UK), žikana e meningokokal grupa C (MenC) nasvalipe si akana bižanglo soske but cykne čhave thaj terne manuša si rutinaleste vaksinime mamujal MenC.

E MenB vaksina si akhardi Bexsero, tu šaj dikhes e Pacientosko Informativno Buletino ka www.medicines.org.uk/emc/product/5168/pil.

Save vaksine si xasnisarde (trubusarde, polzime)?

Kire čhaveske ka avel lesko kerdo kombinacija andar Hipb/MenC vaksina sar i ekh booster doza andar e MenB vaksina. Kadala vaksine ka aven kerde ande muskulja e uprune čhangake aj (alebo, or, ili) o upruno vast.

Soske mure čhave trubun le e booster vaksine?

Booster vaksine si kerde te barjaren o garavipe savo sas resavdeste dindo katar e imunizacije save sas kerde kire bebeske majanglal.

O garavipe savo si dindo andar e bebetonenge vaksinacije šaj majkovljol e vrjamas. Ekh booster doza lungjarel o periodo andar o garavipe angle ande e životoski (trajoski) vrjama.

Ka avel len e Hib/MenC thaj MenB vaksinnen sisave rigale efektura?

Kire čhave šaj avel le lolipe, šuvlipe aj dukh kajte sas leske kerdi e indzekcija. Turjal opaš andar e čhave kaske si lenge kerde kadala vaksine šaj aven iritime, thaj khajekh (varekon) sikaven cykni jag (temperatura).

Tu šaj les majbut informacija andar kadava katar kiro sataravno (doktoro, GP), klinikaki medikani asistenta aj sastimasko vizitoro.



So si o pneumokokal nasvalipe?

O pneumokokal nasvalipe si ekh andar e majarakhade kauze andar o bakterialno meningit ande éhave ama (ale, no) vov anel i septikaemija, pneumonija, kaneski infekcija (otitis media) thaj aver seriozne nasvalimata. Si majbut andar 90 aversave (diferime, različna) tipura andar e pneumokokal bakterija.

Savi vaksina ka avel xasnime?

E vaksina savi si xasnime si ekh booster doza andar o PCV 13 (pneumokokal vaksina) savi garavel mamujal 13 aversave pneumokokal tipura save majbut normalno anen pneumokokal nasvalipe ande éhave. E vaksina ka avel kerdi ande muskulja ande upruni éang aj upruno vast maškaral ekhsavi vizita sar e Hib/MenC thaj e MenB vaksine.

Ka e PCV vaksina aven la sisave rigale efektura?

Andar 10 vaksinime bebetura, 1 aj 2 šaj sikaven te avel len šuvlipe, lolipe aj dukh ande e indžekcijako than aj te sikaven cykni jag.

E PCV vaksina si akhardi Prevenar 13, tu šaj dikhes e Pacientosko Informativno Buletino ka www.medicines.org.uk/emc/product/453/pil.

So si e cykni éhel?

E cykni éhel si kauzime andar ekh but infekciozno viruso. Pašal sakoekh kon astarel le ka avel le učhi jag, lolipe thaj normalno si te avel leske bilače.

E problemura andar e cykni éhel andrethon kolinake infekcije, konvulzije (teleperimata), encefalit (gogjaki infekcija), thaj gogjako rumupe. Ande but seriozne kazusura, e cykni éhel šaj mudarel.

So si o parotit?

O parotit si kauzime andar ekh viruso savo šaj ingjarel ži ka uči jag, šereskidukh, thaj dukhale, šuvle mujeske, korake (gyrloske, xulake) thaj falkake (čanavake) glande. Vov šaj anel i permanentno kašukipe, virusno meningit thaj encefalit (andruni jag/inflamacija thaj šuvlipe ande gogi).

So si e bari čhel?

E bari čhel (rubeola, njamconi čhel) si ekh nasvalipe kauzime andar ekh viruso. Ande e čhave, voj si principno kovli thaj šaj tradel bi te dikhlindol pe lake simptomura, ama e bari čhel ando khamnipe (pharipe) si ekh but seriozno nasvalipe e bibijande bebetonenge. Voj šaj seriozno rumul lengo dikhipe, ašunipe, ilo thaj gogi. Kadava nasvalipe si akhardo kongenitalno (anbijando) rubeolako sindromo (KRS).

So si e MMR vaksina?

La si la andre majkovle versije andar e žuvde cykne čhel, parotit thaj bari čhel virusura? Andar kadava kaj e virusura si majkovle, e manušenge kaske sas lenge kerdi e vaksina našti infektin avere manušen. Ando o KT, amen si amen 2 MMR vaksine. E duj keren buki but lače, ekha andre si la e balesko želatino (porcine gelatine) thaj e averja naj la. Te tu khames (manges) kire čhaveske te kerdol pe leske e bilovali vaksina savja si la e balesko želatino, dumade (vaker, xoratine, konuš) andar kadava kire klinikake medikane asistentasa aj sastaravnesa.

Sar thaj kana e vaksina si dindi?

E vaksina si indžektime ande e muskulja ande e upruni čang aj upruno vast. Voj si kerdi ka ekhto berš palal o imuniteto, savo e bebe sas le dindo andar peski dej, lel te kovljol. Ekh dujto doza andar e vaksina trubul te avel dindi palem majanglal kiro čhavo te ašarel e škola aj kana vov si turjal 3 beršengo thaj 4 čhonengo.



Sode (kozom, sobor, keci) efektívno si e MMR vaksina?

E MMR vaksina si responsibilo (odgovorno) aśal o paśutno totalno xasaripe kadale 3-ne nasvalimatonenge ande e terne čhave ando KT dekana voj la te kerdol pe ando 1988-to berś.

Ka e MMR vaksina avel la rigale efektura?

E 3 aversave virusura ande e vaksina bukisaren ande aversave vrjame (timpura, vakytja) thaj śaj anen akadala rigale efektura palal te kerdol pe e ekhto doza:

- 6 ži ka 10 givesa palal e imunizacija, soske e cykne čhelako kotor (partija, část) andar e vaksina lel te bukisarel, turjal ekh andar e 10 čhave śaj len te sikaven uči jag thaj khaekh śaj barjaren ekh sar cykne čhelaki eczema (pryske) thaj te namaj xan normalno
- turjal ekh ande sakoech 1,000 imunizime čhave śaj te avel len teleperipe (konvulzija) andini katar e uči jag (temperatura). Kadava si akhardo 'febrilno konvulzija'. Ama, e čhave kon naj vaksinime thaj asataren e bari čhel, si 3 droma (var, devrja) maj probabilo (śajde) te avel len teleperipe
- turjal 3 kurke palal e MMR vaksinacija, soske e kotora (partie) andar e bare čheljaki vaksina lel te kerel buki, khajekh čhave śaj cyravaraleste sikaven simptome sar e bari čhel (uči jag thaj šuvle glande)

**E MMR si e majlači čhan
te garaves kire čhave mamujal
e cykni čhel, o parotit thaj e bari čhel.**

- but cyravaraleste, čhave šaj sikaven ekzema andar sar cykne pharake (ranake) pryške ande 6 kurke palal e vaksinacija. Kadava si principno kauzime katar e vaksinake kotora mamujale cykni aj e bari čhel. Te tu dikhes pryške sar kadala, ingjar kire čhave ka sastaravno te kerel leske kontrola. Kiro sastaravno ka phenel tuke sar te sastares e ekzema thaj sar te garaves kire čhave ando avutnipe (futuro, vitori, budečnost)
- Majcyra andar ekh ande ekh milionura čhave šaj sikaven kaj si len encefalit (andruni jag/inflamacija thaj šuvlipe ande gogi) palal o keripe e MMR vaksinako. Ama, te ekh čhavo astarel e cykni čhel, o šanso te barjarel encefalit si maškar ekh ande 200 thaj ekh ande 5,000

So te kerav te mure čhave si le arnengi (varengi, andrengi) alergija?

E MMR vaksina šaj avel siguro dindi ka e čhave kas sas len zorali arnengi alergija (anafilaktikani reakcija). Te tut si tut sisave same (dara), dumade kire sastimaske vizitorosa, klinikake asistentasa aj sasraravnesa.

Si la e MMR vaksina želatino andre?

Ando o KT, amen si amen 2 MMR vaksine save bukisaren but lače. Ekha lender si la andre balesko želatino thaj e averja naj la. Te tu khames te kerdol pe e vaksina savja naj la e balesko želatino andre, dumade kire klinikake asistentasa aj sastaravnesa. Tu šaj dikhes e MMR vaksina ando Pacientosko Informacijako Buletino ka:

Priorix:

www.medicines.org.uk/emc/product/1159/pil

MMRVAXPRO:

www.medicines.org.uk/emc/product/6307/pil

Putar kire jakha andar o meningit thaj e sepcikaemija

E duj o meningit thaj e septikaemija si but seriozne. Važno (importante) si kaj tu pindžares e signalura thaj e simptomura thaj žanes so te keres te tu dikhes len.

Avinale (ranne) simptomura andar o meningit thaj e septikaemija šaj aven ekhsave (acelaši, syšta) sar o šylalipe aj e gripa (učhi jag, čhagdipe, irita thaj bipačalipe).

Ama, e manuša kas si len meningit aj septikaemija šaj ačhen but zoraleste nasvale palal khajekh satura te astaren len, tha si vastno te žanes e signalura thaj e simptomura kadale sastimaske problemonenge.



So si o meningit?

O meningit si ekh infekcija ande e gogjaki morkhi. O meningit šaj avel kauzime katar varesave tipura bakterija aj virusora.

Infekcija andar e meningokokal bakterija šaj kauzil meningit, septikaemija (rateski intoksikacija), perikardit (andrunijag/inflamacija vaš e morkhi e trastaki savi inkjarel o ilo) thaj artrit (šuvlipe ande e astarina).

Ande e bebetura, e bazisne simptomura andar o meningit šaj thonandre:

- uče laljako (glasosko), rovipe
- iritime kana si ande vasta vazidindo
- poravdi fontanela
- sovlajrdo aj majcyra responsivno – phareste si te žungadol
- mukhlindo thaj apatime
- astarto thaj xutavde meškimatonenca (konvulzije/teleperimata)
- ni kamel te lel xamata, čhagdel
- morkhi savi si galbenime, petnjavende (flekende) aj vynetime
- uči jag

So si e septikaemija?

E septikaemija si ekh but seriozno nasvalipe savo infektiril e ratesko žape. E signalura vaś šudre vasta aj pyrne, galbenime morkhi, čhagdipe thaj kaj si but sovljardo aj si phareste te žungadol pe šaj sikavdon pe sigo. Te te gyndis kaj si les septikaemija, rode dumodipe (žutipe, pomožipe) momentalno.

Ande bebetura, e bazisne simptomura vaś e septikaemija šaj andrethon:

- sigjarno aj binormalno phurdipe (airolipe)
- morkhi savi si galbeno, petnjavende aj vynetime (plavo, sinjo)
- učhi jag šudre vastenca thaj pyrnenca
- izdrape
- čhagdipe thaj ni xal xamata
- lole aj lilale petnjave save ni xasavon kana kikiden pe (ker e kućjako/taxtajako/poxarako) testo savo si phendino pe e averta rig)*
- dukh aj iritipe andar muskuleski dukh aj zorali pyrneski aj vasteski aj astarinaki dukh
- telemukhipe
- but zoralo sovjarsipe

Vastno si te na bistres kaj na sakoekh ka sikavel sa e ramosarde (skirime, piśime) simptomura, thaj kaj kadaja lista andar e simptomura naj sasti. Te ekh bebe barjarel khajekh katar e simptomura, specialno lole aj lilale petnjave, rode medikano dumodipe (ažutipe, pomožipe) momentalno. Te tu naśti kontaktiris kire sastaravnes, aj tu san inke samalindi/o palal te les gogidipe, pakja ande kire instinktura thaj ingjar kire čhaves ande sigodumodindi (emergencijani ambulancijani) khukhin (sekcija, departamento) ande kiri majpaśutni nasvalin (spita, bolnica).

* Pe kali morkhi, dikh andral e jakhenge kapaća aj upral e mujeski upralin kajte e petnjave šaj te dikhlindon pe majbut.

E 'kućjako testo'

Kikide zoraleste mamujal e ekzema e rig vaś ekh klaro pimaski kućhi te šaj dikhes te e ekzema xasavol aj xasarel bojava (kolori, farba) telal kikidipe.

Te na averil pe e bojava, kontaktiri kire sastaravne momentalno.



Katar šaj me lav majbut informacija?

Kadala organizacije den informacija, gogidipe thaj dumodipe:

Meningit Rodimaski Fondacija / Meningitis Research Foundation

Bilovali telefoneski linija 080 8800 3344

(9:00 ži ka 22:00 bukjarne givesa, 10:00 ži ka 18:00 kurkeske agora thaj vakancije) www.meningitis.org

Meningit Akana / Meningitis Now

24-e satonengi dumodimaski linija 0808 80 10 388
www.meningitisnow.org

Tu šaj i khames gogidipe andar kiro sastaravno, klinikaki medikani asistenta aj sastimasko vizitoro, aj telefonisar ka **NHS** ka **111**.

Bijanutne (dej thaj dad) thaj samadavne (grizadavne) šaj reportin suspektime rigale efektura andar e vaksina thaj e draba via e Sxema Galbeno Karta / Yellow Card Scheme.



Kadava šaj kerdol pe onlajn kaj žal pe ka **yellowcard.mhra.gov.uk** aj ka telefonisarel pe e linija vaś e Sxema Galbeno Karta / Yellow Card Scheme ka **0800 731 6789**. Tu šaj xasnisares o QR kodo aj kaj fuljares e aplikacija e Galbeno Karta/Yellow Card app.

Rutinale imunizacijake programe de andar o cyknjaripe katar o septembro 2024-to berś

Kana	Nasvalimata garavde mamujal	Vaksine dinde
Oxto kurkengo	Difterija, tetanus, pertusis (xarano xas), polio, <i>Haemophilus influenzae</i> tipo B (Hib) thaj xepatit B	DTaP/IPV/Hib/HepB
	Meningokokal grupa B (MenB)	MenB
	Rotavirus gastroenteritis	Rotavirus ²
Deśuduje kurkengo	Difterija, tetanus, pertusis, polio, Hib thaj xepatit B	DTaP/IPV/Hib/HepB
	Pnuemokokal (13 serotipura)	Pneumokokal Konjugime Vaksina (PKV) / Pneumocočal conjugate vacination (PCV)
	Rotaviruso	Rotavirus ²
Deśove kurkengo	Difterija, tetanus, pertusis, polio, Hib thaj xepatit B	DTaP/IPV/Hib/HepB
	MenB	MenB
Ekhe berśesko (pe aj palal e čhavesko ekhto bijando gives)	Hib and MenC	Hib/MenC
	Pneumokokal	PKV /PCV booster vaksina
	Cykni čhel, parotit, bari čhel (njamcono morbili)	MMR
	MenB	MenB booster vaksina
Kualificime pediatrikani berśengi grupe ⁴	Influenza (sako berś katar o septembro)	Žuvdi atenuime influenza vaksina (ŽAIV)/LAIV/ Live attenuated influenza vacine ^{3,6}
Trine berśengo thaj štare čhonengo aj sigo palal kadava	Difterija, tetanus, pertusi thaj polio	dTaP/IPV
	Cykni čhel, parotit, bari čhel	MMR (dikh e ekhto doza savi si dindi)
Murśa thaj žuvlja maškar deśuduj thaj deštrin berś	Rakura (kancerja) thaj genetalne veruča save si kauzime katar specifikkane manuškane papilomavirus (HPV) tipura	HPV ⁵
Deśuštār berśengo (školako klaso 9)	Tetanus, difterija thaj polio	Td/IPV (dikh o MRR statuso)
	Meningokokal grupe A, C, W thaj Y	MenACWY

[1] Intramuskularno indžekcija ando o deltoidno muskulo ande o upruno vast aj ande o anterolateralno aspekto vaś e upruni čang. **[2]** E Rotavirus vaksina trubul te avel dindi sade (numa, samo, ferdi) palal te kerdol pe kontrola andar o SCID testosko rezultato. **[3]** Andre si la balesko želatino. **[4]** Dikh e berśalo gripako lil ka: www.gov.uk/government/collections/annual-flu-programme. **[5]** Dikh o Zeleno liloro (Green book) HPV šero 18 andar informacija andar e imunizaicja vaś e imukokikidinde terne manuśa kas ka trubul len 3 doze. **[6]** Te e ŽAIV (žuvdi atenuime influenza vaksina) si mamujalindi aj averečanende našti xasnindol pe, xasnisar e biaktivime gripaki vaksina (dikh o šoro 19 andar o Zeleno Liloro (Green Book) majbute informacijake). **[7]** Dikh o Green book Shingles šoro 28a majbute informacijake andar e kualificime berśale grupe andrethode zoraleste imunokikidinde manuśa katar 50 berś.

Majbut vaksine manuŝenge kas si len važne medikane problemura

Medikano problemo	Nasvalimata save si garavde mamujal	Vaksine save trubun te kerdon pe ¹
Asplenija aj splinaki disfunkcija (andrethode e sekiraki khukhin thaj o koeliakano nasvalipe)	Meningokokal grupe A, B, C, W thaj Y Pneumokokal Influenza	MenACWY MenB PCV13 (ži ka deš berš) ² Pnumokokal polizaxarid vaksina / PPV23 (katar e duj berš) Sakoberšutni gripaki vaksina
Koxlearne implantura	Pneumokokal	PPV13 (ži ka deš berš) ³ PPV23 (katar e duj berš)
Xronikane respiratorne aj ileske problemura (sar e zorali astma, xronikano parne kalindžengo/ bukhengo nasvalipe, thaj ilesko nasvalipe)	Pneumokokal Influenza	PCV13 (ži ka deš berš) ² PPV23 (katar e duj berš) Sakoberšutni gripaki vaksina
Xronikane neurologikane medikane problemura (sar o Parkinsons aj o motorno neurono nasvalipe, aj o sikimasko bišajpe)	Pneumokokal Influenza	PCV13 (ži ka deš berš) ² PPV23 (katar e duj berš) Sakoberšutni gripaki vaksina
Diabet	Pneumokokal Influenza	PKV13 (ži ka deš berš) ² PPV23 (katar e duj berš) Sakoberšutni gripaki vaksina
Xronikano rinikosko (bubrekosko) nasvalipe (XRN) (andrethodi xemodializa)	Pneumokokal (nivelo 4 thaj 5 XRN) Influenza (nivelo 3, 4 thaj 5 XRN) Xepatit B (nivelo 4 thaj 5 XRN)	PCV13 (ži ka deš berš) ² PPV (katar e duj berš) Sakoberšutni gripaki vaksina Xepatit B
Xronikane kale kalindžeske (bukheske) medikane problemura	Pneumokokal Influenza Xepatit A Xepatit B	PCV13 (ži ka deš berš) ³ PPV23 (katar e duj berš) Sakoberšutni gripaki vaksina Xepatit A Xepatit B
Xemofilija	Xepatit A Xepatit B	Xepatit A Xepatit B
Imunokikidipe (imunosupresija) andar o nasvalipe aj o sastaravipe ⁴	Pneumokokal Shingles vaksina Influenza	PKV13 (ži ka 10 berš) ^{2,3} PPV23 (katar e 2 berš) Shingrix – upral 50 berš ⁶ Sakoberšutni gripaki vaksina
Komplementarno phag (andrethode kadala kon len komplementarno inxibitoroski terapija)	Meningokokal grupe A, B, C, W thaj Y Pneumokokal Influenza	MenACWY MenB PKV13 (ži ka 10 berš) ² PPV23 (katar e 2 berš) Sakoberšutni gripaki vaksina

[1] Dikh o relevantno šoro andar e Green Book andar e specifikani programa: www.gov.uk/government/collections/immunisation-against-infectious-disease-the-green-book. **[2]** Te si 2-e beršengo ži ka telal 10 beršengo thaj si imunozime aj parcialno imunizime mamujale pneumokokal infekcija, de ekh PCV13 doza. **[3]** Ka sisavo berš ka e zoraleste imunokikidinde. **[4]** Gogisar andar e beršali influenza vakcinacija vaš e kherale žene thaj kadallenge kon grizosavon manuŝenge kas si len kadala nasvalimata. **[5]** Dikh e Green Book Shingles šoro 28a www.gov.uk/government/publications/shingles-herpes-zoster-the-green-book-chapter-28a.

Alosarimaski (selektivno) čhavengi imunizacijaki programa

Target grupa	Berša thaj programa	Nasvalipe	Vaksine save trubul te kerdon pe
Bebetura bijande andar deja kas si len xepatit B infekcija	Ka bijanipe, štare kurkengo thaj 12 čhonengo ^{1,2}	Xepatit B	Xepatit B (Engerix B/HBvaxPro)
Bebetura ande themenge rajonura ande save si TB (tuberkolozno) incidento $\geq 40/100,000$	Turjal 28 givesengo ⁴	Tuberkoloza	BCG (Bacillus Calmette–Guérin) vaksina
Bebetura kas si len bijanutno aj barobijanutno (mami aj papo) kon sas bijando ando bare incidentosko them ³	Turjal 28 givesengo ⁴	Tuberkoloza	BCG (Bacillus Calmette–Guérin) vaksina
Čhave ande klinikani riskoski grupa	Katar 6 čhon ži ka 17 berš	Influenza	ŽAIV/LAIV biaktivime gripaki vaksina te si kontraindikirme ka ŽAIV aj telal 2 berš
khamne (phare) žuvlja	Pe sako ekh nivelo andar o khamnipe maškar e gripako sezono	Influenza (gripa)	Biaktivime gripaki vaksina
	Katar 16-to gestacio-no kurko ⁵	Pertusis (xarano xas)	Tdap or dTaP/IPV
	Katar 28 kurkengi gestacija	RSV	RSV vaksine

[1] Le rat ašal HBsAg ka 12 čhon te izolacijakeres e infekcija. [2] Majbuteste hexavalent vačine (Infanrix hexa or Vaxelis) si dindi ka 8, 12 thaj 16 kurke. [3] Kajte o beršalo incidento andar e tuberkoloza si $\geq 40/100,000$ – dikh www.gov.uk/government/publications/tuberculosis-tb-by-country-rates-per-100000-people. [4] Dikh o SCID testosko rezultato majanglal te des e BCG vaksina. [5] Principno majanglal e 32-e kurkeski gestacija ama šaj te avel inke (važe) dindi palal e 32 kurke.



Produced by
UK Health Security Agency

© Crown copyright 2024
2024QG1RMY Romany 1p 500K AUG 2024
UK Health Security Agency gateway number: 2024514

Kadaja redakcija sas publikuime ando decembro 2019-to berš.
Te trubul tut maj but kopija andar kadava buletino, khamas tutar te žas ka, www.healthpublications.gov.uk te kontaktis e Health Publications komandimaski linija. Ph1: 0300 123 1002.
Minicom: 0300 123 1003 (8:00 ži ka 16:00, lujne ži paraštune).
Khamas tutar te xasnis e produktosko kodo: 2024QG1RMY Romany